

## শব্দ

প্রশ্ন: শব্দ কাকে বলে?

উত্তর: অর্থবোধক ধ্বনি সমষ্টিকে বলা হয় শব্দ।

প্রশ্ন: গঠন অনুসারে বাংলা শব্দ কয় প্রকার?

উত্তর: দুই প্রকার: ১. মৌলিক শব্দ ও ২. সাধিত শব্দ।

প্রশ্ন: অর্থমূলক শ্রেণিবিভাগ অনুসারে বাংলা শব্দ কয় প্রকার?

উত্তর: তিন প্রকার-১. যৌগিক শব্দ, ২. রূঢ় বা রুঢ়ি শব্দ এবং ৩. যোগরূঢ় শব্দ।

প্রশ্ন: উৎস অনুযায়ী বাংলা ভাষার শব্দ কয় প্রকার?

উত্তর: পাঁচ প্রকার: ১. তৎসম শব্দ, ২. অর্ধ তৎসম শব্দ, ৩. তদ্ভব শব্দ, ৪. দেশি শব্দ ও ৫. বিদেশি শব্দ।

প্রশ্ন: মৌলিক শব্দ কাকে বলে?

উত্তর: যে সঘ শব্দকে ভাঙ্গলে বা বিশ্লেষণ করলে আলাদা অর্থবোধক কোনো শব্দ পাওয়া যায় না, তাকে বলা হয় মৌলিক শব্দ। যেমন- নাক, কান, তিন, তিল, গোলাপ।

প্রশ্ন: সাধিত শব্দ কাকে বলে?

উত্তর: উপসর্গ, সমাস, সন্ধি ও প্রত্যয়ের সাহায্যে যে সকল নতুন শব্দ গঠিত হয়, তাকে সাধিত শব্দ বলে।

প্রশ্ন: বাংলা ভাষায় সাধারণত কয়টি নিয়মে সাধিত শব্দ গঠিত হয়?

উত্তর: প্রধানত ৫টি নিয়মে। যথা- ১. উপসর্গ যোগে, ২. সমাস যোগে, ৩. সন্ধি যোগে, ৪. প্রত্যয় যোগে ও ৫. শব্দদ্বৈততা বা দ্বিরুক্ত শব্দ যোগে।

প্রশ্ন: যৌগিক শব্দ কাকে বলে?

উত্তর: যে সকল শব্দের ব্যুৎপত্তিগত অর্থ ও ব্যবহারিক অর্থ একই রকম, সেগুলোকে বলা হয় যৌগিক শব্দ।

প্রশ্ন: গুরুত্বপূর্ণ যৌগিক শব্দ কোন গুলো?

উত্তর: মধুর গায়ক কর্তব্য না করে বাবুয়ানা ভাব করে রাঁধুনি দৌহিত্রকে নিয়ে দেখল পিতৃহীন চালক পাঠক মিতালির সঙ্গে চিকা মারতে পাগলামি করছে।

প্রশ্ন: শব্দের অর্থ যদি প্রকৃত ও প্রত্যয় অনুযায়ী না হয়, তাহলে তাকে কোন শব্দ বলে?

উত্তর: রুঢ় বা রুঢ়ি শব্দ।

প্রশ্ন: গুরুত্বপূর্ণ রুঢ় বা রুঢ়ি শব্দ কোন গুলো?

উত্তর: তেলে ভাজা সন্দেশ খেয়ে গবেষণার জন্য এক প্রবীণ রাখালের শ্বশুর আজ পাঞ্জাবি পরে হস্তীর পিঠে চড়ে বাঁশি বাজিয়ে হরিণ দেখতে গেল।

প্রশ্ন: 'সন্দেশ' শব্দটির শব্দ ও প্রত্যয় গত অর্থ কী?

উত্তর: সংবাদ; তবে রুঢ়ি অর্থে মিষ্টান্ন।

প্রশ্ন: যোগরূঢ় শব্দ কাকে বলে?

উত্তর: সমাসনিষ্পন্ন যে সকল শব্দ সম্পূর্ণ ভাবে সমস্যমান পদসমূহের অনুগামী না হয়ে বিশিষ্ট কোন অর্থ গ্রহণ করে, তাদের যোগরূঢ় শব্দ বলে।

প্রশ্ন: গুরুত্বপূর্ণ যোগরূঢ় শব্দ কোন গুলো?

উত্তর: রাজপুত পঙ্কজ ও সরোজ নিয়ে জলধিতে মহাযাত্রার আয়োজ করল। এটা দেখে সুহৃদ তুরঙ্গমের আশায় জলদের পানে তাকিয়ে রইল।

প্রশ্ন: যোগরূঢ় শব্দ হিসেবে 'জলধি' শব্দটির অর্থ কী?

উত্তর: সমুদ্র।

প্রশ্ন: উল্লেখযোগ্য অর্ধতৎসম শব্দ কোন গুলো?

উত্তর: গিনি, পুরাত, ছেরাদ, কুচ্ছিত, জোছনা, পরশ, সোনা, পরান প্রভৃতি।

প্রশ্ন: চাউল, ঢোল, চুলা, টোপর প্রভৃতি কোন ধরনের শব্দ?

উত্তর: দেশি শব্দ।

প্রশ্ন: বাংলা শব্দ ভা-রে দেশি শব্দ কত ভাগ?

উত্তর: ২%।

প্রশ্ন: উল্লেখযোগ্য দেশি শব্দ কোন গুলো?

উত্তর: ডাগর চোখে কালা বোবা টোপর মাথায় ডিঙ্গায় চড়ে গঞ্জে গিয়ে চোঙ্গা টেঁকি চুলা কুলা না কিনে পেট ভরে কুড়ি টাকার ডাব মুড়ি খেল।

প্রশ্ন: বাংলা ভাষায় ব্যবহৃত ধর্ম সংক্রান্ত আরবি শব্দ কোন গুলো?

উত্তর: যদি কুরআন হাদিস অনুযায়ী ইসলামের বিধান মেনে ঈমান আমল ঠিক রেখে সালাত সাওম হজ যাকাত আদায় কর, অযু গোসল করে তওবা করে তসবি পাঠ করে কুরবানি কর, হালাল হারাম মেনে চল, তাহলে আল্লাহ জাহান্নাম থেকে বাঁচিয়ে জান্নাতে রাখিল করবেন।

প্রশ্ন: বাংলা ভাষায় আগত উল্লেখযোগ্য প্রশাসনিক ও সাংস্কৃতিক আরবি শব্দ কোন গুলো?

উত্তর: ইনশানের এজাহারের কারণে মহকুমার মুসেফ আদালতের এজলাসে কিতাব কানুন দেখে উকিল মোজারের কথা শুনে মামলা খারিজ করে এলেম অনুযায়ী দোয়াতে কলম ভিজিয়ে আলেমের পক্ষে রায় দিলেন। কারণ ঈদের দিন নগদ বাকি খাজনার কথা মনে না রেখে গায়েবি কোন কিছা শুনলে আখেরে আক্কেল হবে।

প্রশ্ন: বাংলা ভাষায় আগত ধর্ম সংক্রান্ত ফারসি শব্দ কোন গুলো?

উত্তর: খোদা ফেরেশতা দিয়ে পয়গম্বরের মাধ্যমে জানালেন, যদি নামায রোযা কর গুনাহ থেকে দূরে থাক, তাহলে দোযখ থেকে বাঁচিয়ে বেহেশত দিব।

প্রশ্ন: ফারসি প্রশাসনিক ও সাংস্কৃতিক শব্দ কোনগুলো?

উত্তর: বাদশা বেগম কে নিয়ে দরবারে না গিয়ে চশমা চোখে তোশক কারখানায় গেলেন। এদিকে দোকানদার দফতর গুছিয়ে মেথর বান্দার বিরুদ্ধে দস্তখত করে রসদ ও দৌলত নষ্টের নালিশ জানাতে জবানবন্দি দিল।

প্রশ্ন: বিবিধ ফারসি শব্দ কোনগুলো?

উত্তর: জিন্দা জানোয়ার বদমাশ নমুনা সংগ্রহ না করে আমদানি রফতানি বাদ দিয়ে হাদ্গামা শুরু করল।

প্রশ্ন: বাংলা ভাষায় ব্যবহৃত কয়েকটি উল্লেখযোগ্য অবিকল ইংরেজি শব্দগুলো কী কী?

উত্তর: ইউনিয়নে ইউনিভার্সিটি করা সম্ভব নয়। বড়জোর স্কুল বা কলেজ পর্যন্ত হতে পারে। কারণ মাস্টার ডাস্টার নোট নভেল টিন লাইব্রেরি পাউডার পেন্সিল ফুটবল ব্যাগ রেডিও টেলিভিশন সিনেমা মোবাইল অনেক কিছুই প্রয়োজন।

প্রশ্ন: পরিবর্তিত উচ্চারণে ইংরেজি শব্দ কোনগুলো?

উত্তর: ইকুলের অফিসে বাস্তু ভরা অফিসের বোতল রেখে হাসপাতালের ডাক্তার জেল খাটল।

প্রশ্ন: বাংলা ভাষায় আগত উল্লেখযোগ্য পর্তুগিজ শব্দ কোনগুলো?

উত্তর: গির্জার পাদ্রি কামরান্স আনারস আপেল পেয়ারা পেঁপে জলপাই পাউরুটি খেতে খেতে আলপিন খেয়ে আলকাতরা মার্কা হয়ে বসে আছে। এটা দেখে ক্রুশ বিক্রি যিশু হাসছেন। কারণ সাবান তোয়ালে বালতি কামিজ টুপি পিন্ডল সব গুদামের আলমারিতে; অথচ চাবি নেই।

প্রশ্ন: বাংলা ভাষায় আগত প্রধান প্রধান ফারসি শব্দ কোনগুলো?

উত্তর: বুর্জোয়া কার্তুজের জন্য ডিপোতে বসে না থেকে রেন্টোরায় গিয়ে কুপন ধরে বিস্কুট খেলেন।

প্রশ্ন: বাংলা ভাষায় আগত ওলন্দাজ শব্দ কোনগুলো?

উত্তর: রুইতন হরতন ইক্সপন নিয়ে খেলতে গিয়ে তুরূপ দেয়ার জন্য টেক্সা ফেলা হল।

প্রশ্ন: উল্লেখযোগ্য তুর্কি শব্দ কোনগুলো?

উত্তর: উজবুক বাবুর্চি চাকরকে চাকু ও কাচি নিয়ে আসতে দেখে দারোগা বাবা বারুদের তোপ দাগালেন। এটা দেখে কুলি খোকা কুরনিশ করল।

প্রশ্ন: বাংলা ভাষায় ব্যবহৃত চিনা শব্দ কোনগুলো?

উত্তর: সাম্পান ওয়ালা তুফান দেখে চা চিনি না এনে, এলাচি লিচু ও লুচি এনেছে।

প্রশ্ন: উল্লেখযোগ্য জাপানি শব্দগুলো কী কী?

উত্তর: জুডো কারাতে পারদর্শি সামুরাই প্যাগোডায় না গিয়ে রিকসায় যেতে যেতে হাসনাহেনার গন্ধ নিয়ে হারিকিরি করে বসল।

প্রশ্ন: বাংলা ভাষায় আগত গুজরাটি শব্দগুলো কী কী?

উত্তর: আজ হরতাল বলে খদ্দর বিক্রি হবে না।

প্রশ্ন: পাঞ্জাবি শব্দগুলো কী কী?

উত্তর: শিখের চাহিদা গুরুদুয়ারায়।

প্রশ্ন: বার্মিজ শব্দগুলো কী কী?

উত্তর: আরাকানের ফুঙ্গি ঘুঘনির আশায় লুঙ্গি পড়ে কিয়াং যায়।